

FRÉTTATILKYNNING TIL KAUPHALLAR ÍSLANDS

Afkoma Landsvirkjunar fyrstu sex mánuði ársins 2010

Árshlutareikningur Landsvirkjunar var í dag, 30. ágúst 2010, samþykktur á fundi stjórnar. Reikningurinn er samstæðureikningur sem tekur til Landsvirkjunar og dótturfélaga. Helstu atriði árshlutareiknings janúar til júní 2010 eru þessi:

- Handbært fé frá rekstri nam 110 milljónum USD eða um 13,3 milljörðum króna á núverandi gengi.
- Hagnaður tímabilsins nam tæpum 16 milljónum USD sem svarar til 1,9 milljarða króna á núverandi gengi.
- EBITDA nam 143,8 milljónum USD að teknu tilliti til áhrifa innleystra áhættuvarna tengdum álverði. EBITDA hlutfall er 80% af veltu.
- Mat á virði innbyggðra afleiða í tengslum við orkusölusamninga fyrirtækisins lækkaði um 183,2 milljónir USD á tímabilinu en álverð var fremur lágt í lok júní.
- Sem fyrr er aðhalds gætt í rekstri og fjárfestingum og áhersla lögð á lausafjárstýringu.
 - Fjárfestingar voru um 25 milljónir USD á tímabilinu samanborið við 60 milljónir USD á sama tímabili árið 2009.
 - Afborganir lána voru 98 milljónir USD umfram nýjar lántökur.
 - Handbært fé í lok júní nam 179 milljónum USD en að auki hefur fyrirtækið aðgang að samningsbundnu veltiláni og er óáðreginn hluti þess 282 milljónir USD. Laust fé er því alls um 461 milljón USD eða sem nemur um 55 milljörðum króna. Laust fé ásamt fé frá rekstri dugar til að mæta öllum núverandi skuldbindingum fyrirtækisins út árið 2012.
 - Helstu kennitölur sýna áframhaldandi jákvæða þróun í rekstri fyrirtækisins.
- Heildareignir Landsvirkjunar nema 4,6 milljörðum USD eða um 552 milljörðum króna á núverandi gengi. Nettó vaxtaberandi skuldir nema 2,6 milljörðum USD og hafa lækkað um 263 milljónir USD frá áramótum.
- Eigið fé Landsvirkjunar nam 1,6 milljörðum USD eða sem svarar til um 190 milljarða króna á núverandi gengi. Eiginfjárhlutfall var 34,5%.

Árshlutareikningur Landsvirkjunar er gerður samkvæmt alþjóðlegum reikningsskilastöðlum (IFRS) og er hann í Bandaríkjadölum sem er starfrækslugjaldmiðill móðurfélagsins. Samkvæmt IFRS eru innleystar áhættuvarnir vegna álverðstengingar í orkusölusamningum færðar á meðal fjármunatekna og fjármagnsgjalda. Stjórnendur

Landsvirkjunar telja gefa gleggri mynd af rekstri fyrirtækisins að færa innleystar álvarnar með tekjum fyrirtækisins og birta einnig rekstrarreikning með þeim hætti í sérstöku yfirliti sem er fremst í árshlutareikningnum. Breytingin hefur ekki áhrif á afkomu, efnahag eða sjóðstreymi, en hún hefur áhrif á einstaka liði innan rekstrarreikningsins.

Tekjur samstæðunnar námu 180 milljónum USD á tímabilinu en voru 179 milljónir USD á sama tímabili árið áður að teknu tilliti til áhættuvarna og eru því svipaðar á milli tímabila. Á tímabilinu janúar til júní 2010 gjaldfærði fyrirtækið 4,8 milljónir USD vegna samninga við erlendar fjármálastofnanir vegna álvarna en á sama tímabili 2009 tekjufærði fyrirtækið 40 milljónir USD vegna áhættuvarnarsamninga. Innleystar áhættuvarnar eru færðar meðal fjármunatekna og fjármagnsgjalda í árshlutareikningnum. Þar eru einnig færð vaxtagjöld sem lækkuðu úr 45,9 milljónum USD á fyrstu 6 mánuðum ársins 2009 í 39,4 milljónir USD á sama tímabili í ár, einkum vegna lækkunar millibankavaxta í Bandaríkjunum og Evrópu. Rekstrarkostnaður án afskrifta og virðisrýrnunar nam 36 milljónum USD á tímabilinu en var 34,9 milljónir USD á sama tímabili árið áður. Fjármagnsgjöld umfram fjármunatekjur námu 70 milljónum USD á tímabilinu án áhættuvarna en voru 27,9 milljónir USD á sama tímabili árið áður sem skýrist aðallega af lækkun á gangvirði innbyggðra afleiða í orkusölusamningum sem tengdir eru álverði og jákvæðum gjaldeyrismun. Gangvirðisbreytingar og gengishagnaður eru að mestu leyti óinnleyst og verður að hafa það í huga við mat á afkomu fyrirtækisins. Meðalnafnvextir langtímalána voru um 2,2% á tímabilinu en þeir voru um 2,5% árið áður.

Horfur á árinu eru góðar. Álverð er viðunandi um þessar mundir þó óvissa sé um þróun næstu missera. Þá er vaxtastig á helstu mörkuðum lágt sem nýtist Landsvirkjun vel þar sem mikill meirihluti lána ber breytilega vexti. Því standa vonir til að sjóðsmyndun verði góð um sinn. Afkoma fyrirtækisins mun sem fyrr ráðast að miklu leyti af gangvirðisbreytingum á innbyggðum afleiðum og gengisþróun. Fyrirtækið hefur aðgang að lausafé og lánum sem ásamt fé frá rekstri mun tryggja að fyrirtækið getur mætt núverandi skuldbindingum sínum út árið 2012. Þrátt fyrir góða stöðu er stöðugt unnið að frekari endurfjármögnun og markmiðið er að ljúka langtímaendurfjármögnun þannig að fyrirtækið þurfi ekki á lánsfjármagni að halda eftir 2012.

Landsvirkjun mun ekki ráðast í nýjar framkvæmdir nema að fjármögnun þeirra sé tryggð. Fyrirspurnir og heimsóknir frá hugsanlegum orkukaupendum sýna að eftirspurn eftir raforku frá Landsvirkjun er mikil og vonast fyrirtækið eftir því að það skili sér í herra orkuverði í nýjum sölusamningum.

Nánari upplýsingar veitir Kristján Gunnarsson, starfandi framkvæmdastjóri fjármálasviðs, í síma 515 9000.

Reykjavík, 30. ágúst 2010

Helstu stærðir árshlutareiknings í þúsundum Bandaríkjadala:**Samstæða - framsetning stjórnenda
Innleystar áhættuvarnir færðar meðal rekstrartekna**

	Jan-júní 2010	Jan-júní 2009	Jan-júní 2008	Jan-júní 2007	Jan-júní 2006
Rekstrartekjur	184.585	139.009	239.623	173.427	161.502
(Gjaldfærðar) tekjufærðar áhættuvarnir	(4.812)	40.074	(35.721)	(34.027)	(24.501)
Rekstrartekjur samtals	179.773	179.083	203.902	139.400	137.002
Rekstrar- og viðhaldskostnaður	(35.978)	(34.849)	(50.250)	(48.079)	(48.225)
EBITDA	143.795	144.234	153.652	91.321	88.777
Afskriftir og virðisrýrnun	(52.634)	(54.801)	(51.333)	(37.142)	(36.251)
Rekstrarhagnaður (EBIT)	91.161	89.433	102.319	54.179	52.526
Fjármunatekjur og (fjármagnsgjöld)	(69.994)	(27.901)	32.107	365.436	(197.124)
Tekjuskattur	(5.479)	(14.274)	(50.977)	(111.032)	186.028
Hagnaður	15.688	47.258	83.449	308.584	41.430

**Samstæða - skv. alþjóðlegum
reikningsskilastöðlum**

	Jan-júní 2010	Jan-júní 2009	Jan-júní 2008	Jan-júní 2007	Jan-júní 2006
Rekstrartekjur	184.585	139.009	239.623	173.427	161.502
Rekstrarkostnaður:					
Rekstrar- og viðhaldskostnaður	35.978	34.849	50.250	48.079	48.225
Afskriftir og virðisrýrnun	52.634	54.801	51.333	37.142	36.251
Rekstrarkostnaður alls	88.612	89.650	101.583	85.221	84.476
Rekstrarhagnaður	95.973	49.359	138.040	88.206	77.026
Fjármunatekjur og (fjármagnsgjöld)	(74.806)	12.173	(3.614)	331.409	(221.624)
Hagnaður (tap) fyrir skatta	21.167	61.532	134.426	419.616	(144.598)
Tekjuskattur	(5.479)	(14.274)	(50.977)	(111.032)	186.028
Hagnaður	15.688	47.258	83.449	308.584	41.430
Handbært fé frá rekstri	109.984	103.644	76.356	64.932	90.127
Fjárfestingar	(24.664)	(59.640)	(213.623)	(191.053)	(306.317)
30.6.2010	31.12.2009	31.12.2008	31.12.2007	31.12.2006	
Eignir samtals	4.584.038	4.803.522	4.619.220	5.142.303	4.279.794
Eigið fé	1.579.686	1.564.487	1.376.792	1.600.145	1.143.272
Skuldir	3.004.352	3.239.035	3.242.428	3.542.158	3.136.522
Eiginfjárhlutfall	34,5%	32,6%	29,8%	31,1%	26,7%
Arðsemi eign fjár	2,0%	14,0%	-21,5%	40,2%	18,3%